

Көдлмшин сән үзмдж

Элет балгъснас хол бишд „Аршан“ гидг селән эрг деер Ленинә пертә колхозин малин үвлзнь бәәнә. Эч үвлзнь деер саалин 120 үкрмүд болн энджл гарсн 60 тугъл үвлзхмн. Энд үвлзх малин толгъач болдж үр Бардаков Иван Константинович көдлджәнә.

Эн фермд көдлджәх малчнр эврәннь күчн-чидләрн, цар тергдәр фермүр 258 тонн өвс зөөдж авцхадж. Тер зөөдж авсн өвснь үвлин тур-

шарт малд элвгәр күрхмн.

Саалин үкрмүдәс ик үс саадж авхин эв-аргъинь хәәхин төлә тәрмр болн ургъмр өвсәр кесн 270 тонн силос дарсн бәәнә.

Ода эн фермд көдлджәх малчнр Октябрин 40-ч джилин өөниг сән диилвртә көдлмшәр тосхин төлә ноолддж, мал үвлзүлх хаша-хаацан цагаснь урд ясдж белдхин төлә шунмгъа-гъар көдлдж йовцхана.

С. ДЖЕНГУРОВ.